



Universitätsbibliothek Paderborn

Acta Ecclesiae Mediolanensis

Decreta Provinciae Mediolanensis Svb B. Carolo Borromeo, Cardinale
Archiepiscopo, Diuersis temporibus in sex Concilijs, totidemq[ue]
voluminibus edita

Speciano, Cesare

Brixiae, 1603

Contra Moniales Exevntes A Clavsvra, absque licentia ex causa magni
incendii, aut infirmitates lepre, vel epidimie, tantummodo ...

urn:nbn:de:hbz:466:1-10553

CONTRA MONIALES EXEUNTES A CLAVSVRA,

absque licentia ex causa magni incendii, aut infirmitatis lepre, vel epidimie, tantummodo concedenda, & contra eas concomitantes, aut receptantes, Superioresque aliter exeundi licentiam concedentes.

His licentiis in necessitatibus tantummodo vrgentibus vti licere declaravit Greg. 13. infra in const. 36. Vbi gratia.

De clausura Monialium habes etiam sup. in const. 8. Circa pastoralis. fol. 930. & const. 22. Regularium, fol 952. cum ibi not.

Pius Episcopus servus servuorum Dei. Ad perpetuam rei memoriam.

Decori, & honestati omnium sanctimonialium, quarum Iesus Christus Dominus noster sponfus est, vt in puritate, & castitate superedificantes, in ipso feliciter inhabitare valeant, consulentes, ea que illarum existimationi detrahere possent, decet nos consulto commouere. Sanè periculo, & scandalo plena res est, ac regulari obseruantie vehementer aduersatur, sanctimoniales aliquando parentes, fratres, sorores, aut alios agnatos, vel cognatos necnon Monasteria, & alia filiationes nuncupata, etiam eis subiecta visitandi, aut infirmitatis causa, aliove pre-textu à Monasteriis exire, & per secularium personarum domus discurrere, & vagari, quo veluti colore eximium quoque honestatis, & pudicitie decus in discrimen committunt. Vnde nos malo huic pro nostro Pastoralis officij debito salubriter occurrere volentes, inhaerentes etiam decreto sacri Concilij Tridentini, de clausura Monialium disponenti, ac alijs nostris literis super huiusmodi clausura editis adijcientes, volumus, sancimus, & ordinamus nulli Abbatissarum, Priorissarum, aliarumve Monialium, etiam Carthusensium, Cisterciensium, Sancti Benedicti, & Mendicantium, & quorumcunque aliorum ordinum, etiam Militiarum, ac statuum, graduum, conditionum, dignitatum, ac preeminentiarum existentium, etiam à Regia, vel Illustri prosapia ortarum, de cætero etiam infirmitatis, seu aliorum Monasteriorum, etiam eis subiectorum, aut domorum, parentum, aliorumve consanguineorum visitandorum, aliave occasione, & pre-textu, nisi ex causa magni incendij, vel infirmitatis lepre, aut epidimie, que tamen infirmitas, præter alios ordinum Superiores, quibus cura Monasteriorum incumberet, etiam per Episcopum, seu alium loci ordinarium, etiam si prædicta Monasteria ab Episcoporum, & ordinariarum iurisdictione exempta esse reperiantur, cognitæ, & expressè in scriptis approbata sit, à Monasterijs præfatis exire, sed nec in prædictis casibus extra illa, nisi ad necessarium tempus stare licere; Aliter autem, quam, vt præfertur egredientes, seu licentiam exeundi quomodocunque concedentes, necnon comitantes, ac illarum receptatrices personas, siue laicas, aut seculares, vel Ecclesiasticas consanguineas, vel non, excommunicationis maioris latæ sententiæ vinculo statim eò ipso absque aliqua declaratione subiacere, à quo præterquam à Romano Pontifice, nisi in mortis articulo absolui nequeant. Et insuper tam egressas, quam præfidentes, & alios Superiores prædictos eis licentiam huiusmodi concedentes, dignitatibus, officijs, & administrationibus per eas, & eos, tunc obtentis privamus, & illas, & illos ad obtenta, & alia in posterum obtinenda inhabiles, necnon licentias, & facultates, seu indulta, & privilegia exeundi à Monasterijs, & extra illa standi à nobis, seu alio Romano Pontifice prædecessore nostro, ac Sedis Apostolicæ Nuncijs, & Legatis, etiam de latere, ac maiore pœnitentiario, aut ordinum prædictorum Superioribus, alijsve personis sub quibuscunque tenoribus, & formis, ac cum quibusvis restitu-

tuus,

tius, presentatiuis, mentis attestatiuis, etiam nouam gratiam, & datam concedentibus, aliisque efficacioribus, & efficacissimis, ac insolitis clausulis, irritantibusque, & aliis decretis in genere, vel in specie, etiam Motu proprio, & ex certa scientia, deque Apostolica potestate plenitudine, etiam Imperatoris, Regum Ducum, & aliorum Principum, necnon S. R. E. Cardinalium intuitu, & contemplatione, ac instantia, vel alias quomodolibet concessa (quæ prorsus abolemus) ac literas desuper confectas, & in posterum concedendas, & conficiendas nullas, & inuvalidas, nulliusque roboris, ac momenti fore, nec illas habentibus, & habituris suffragari posse, & ita per quoscumque Iudices, & Commissarios quauis auctoritate fungentes, sublata eis, & eorum cuilibet aliter iudicandi, & interpretandi facultate, & auctoritate iudicari, & diffiniri debere, irritum quoque, & inane quicquid secus super his à quoquā quauis auctoritate scienter, vel ignoranter contigerit attentari decernimus. Mandantes vniuersis, & singulis Venerabilibus fratribus nostris, Patriarchis, Primatibus, Archiepiscopis, Episcopis, & aliis locorum ordinariis in virtute Sanctę obediętię, & sub obtestatione diuini iudicij, & interminatione maledictionis æternę, quatenus perse, vel alium, seu alios presentes literas in Ciuitatibus, & diocęsibus propriis quolibet anno publicent, omniaque in illis contenta, necnon præfatum decretum ipsius Concilij, quod incipit Bonifacij V I I I. Diligenter, & inuiolabiliter sub censuris Ecclesiasticis, aliisque præfatis pœnis, & in eodē decreto cõtentis, obseruent, & obseruari faciant, & procurent, Contradictores quoslibet, & rebelles, ac præmissis nõ parentes, etiam aliis pœnis auctoritate nostra, appellatione postposita cõpescendo: Necnon legitimis super his habendis seruatis processibus pœnis ipsas, etiam iteratis vicibus aggrauando, interdictum Ecclesiasticum apponendo. Inuocato etiam ad hoc si opus fuerit auxilio brachij secularis. Non obstantibus præmissis, ac constitutionibus, & ordinationibus Apostolicis contrariis quibuscumque. Aut si aliquibus communiter, vel diuim ab eadem se sede indultum, quod interdicti, suspendi, vel excommunicari non possint per literas Apostolicas non facientes plenam, & expressam, ac de verbo ad verbum de indulto huiusmodi mentionem. Aliis Apostolicis cõstitutionibus, & iuribus, de huiusmodi clausura disponentibus, nihilominus in suo robore duraturis. Ceterum volumus, quod præsentium transumptis, etiam impressis manu alicuius Notarij publici subscriptis, & sigillo alicuius Prælati munitis, eadem prorsus fides vbique Terrarum, tam in iudicio, quàm extra adhibeatur, quæ eisdem præsentibus adhiberetur, si forent exhibitę, vel ostensę. Nulli ergo omnino hominum liceat hanc paginam nostrę sanctionis, ordinationis, priuationis, abolitionis, decreti, mandati, & voluntatis infringere, vel ei ausu temerario contraire. Siquis autem hoc attentare presumpserit, indignationem Omnipotentis Dei, ac Beatorum Petri, & Pauli Apostolorum eius se noverit incursum.

Datum Romę, apud Sanctam Petrum, anno incarnationis Dominicę, millesimo quingentesimo sexagesimo nono, Kal. Februarii, Pontificatus nostri Anno quinto.

Cā. Glorierius.

H. Cumya.

Anno à Natiuitate Domini millesimo quingentesimo septuagesimo, indictione decimatertia, die vero vigesima septima mensis Februarii, Pontificatus Sanctissimi in Christo patris, & Domini nostri Domini Pii diuina prouidentia Papę V. Anno eius quinto, retrospectę literę Apostolicę affixę, & publicatę fuerunt Romę ad ualuas Cancellarię Apostolicę, & in acie Campi Florę, vt moris est per nos Ioannem Guererum, & Christianum de Monte prælibati Sanctissimi Domini nostri Papę Cursores.

Antonius Clerici Magister Curf.

S. D. N.